

(6.)
D. SALOMO CONSTANTINVS
TITIVS

FACULTATIS MEDICAE WITTEBERGENSIS

H. T.

DECANVS

DISSERTATIONEM INAUGVRALEM

A. D. 9. OCTOBRIS 1795.

H. L. Q. C.

A

I. G. HOFRICHTER

SILESIO

HABENDAM

INDICIT.

*Experimentorum Ticinensium, in quibus Diabeticorum
urina sub examen vocatur, enarratio cum epicrisi.*

PROLVSIÓ VI. EAQVE VLTIMA.

THE UNIVERSITY OF CHICAGO

LIBRARY

520 EAST 58TH STREET

CHICAGO, ILL.

60637-1300

RECEIVED

APR 10 1964

1964

APR 10 1964

1964


1964

APR 10 1964


APR 10 1964

APR 10 1964

APR 10 1964



Omnia vero, quae hucusque enarrauimus experimenta, atque plurimum virorum doctorum obseruata, eum praesertim in finem proposita sunt, ut ex his, quae ad naturam huius morbi, eiusque causam proximam eruendam faciunt, depromamus. Praecipua symptomata in excretionem urinae, pro quantitate et qualitate admodum immutatae, cernuntur. Illam quidem iusto, quam par est, copiosiore reddi, praeter ea, quae HALLERVS (*Physiol.* Lib. 12. S. 2. §. 20. Tom. V. Lib. 26. S. 4. §. 7. T. VII. edit. Bern.) collegit, exempla, nostra quoque, antea iam commemorata, comprobant. In primis D. HOME (l. c. pag. 341.) solertissimus fuit, in ratione urinae ad potum recte constituenda, atque in vniuersum triplo fere eundem superasse, reperit. Aegroti Ticinenses ad 28, 36, quin ad 56 libras, intra viginti quatuor horas, ex se reddiderunt; quam ingentem quantitatem graui testimonio confirmauit Ill. FRANK (*Epitome de curand. hom. morbis*, Lib. I. Part. I. §. 480. pag. 44.). Maiorem etsi quantitatem alii viderunt, tamen ZACUTO LVSITANO (*Prax. histor.* Lib. II. cap. 17.) suspectae fidei obseruatori, vix fides habenda est, qui nonaginta libras intra nycthemeron redditas esse, narrat.

Quae quidem insignis urinae quantitas plures scriptores in eam deduxit sententiam, ut proximam morbi causam in renibus, eorumque laxitate quaererent, quo vitio maiorem feri attractionem, et lotii secretionem contingere dicerent. Corporum quidem, hoc morbo demortuorum, dissectiones, licet rarius institutae, statum renum morbosum, eosque magnitudine auctos, dilatatos, molliores, flaccidos, colore nigrescentes, calculis, vel arena repletos, vel tubulos urinarios, atque vretheres vitiosos fuisse, docuerunt, quorum catalogum legimus apud HOMIUM, CAWLEY (pag. 125 sq.), FRANKIUM (§. 481.), et recentissimum anatomiae pathologicae scriptorem, BAILLIE (*Anat. des krankhaften Baues, a. d. Engl. von SOEMMERING; Berlin 1794. S. 163.*). Quodsi quantitatem lotii auclam, commode inde explicare posse, largimur;



gimur; tamen quomodo qualitates eiusdem mutatae, atque deprauatae sint, in primis vnde saccharinum principium, quod inest, aduenit, aequè facile ex his intelligi posse, prorsus negamus. Id igitur, vt rectius explicarent, ad aliam causam, ad primae digestionis, et coctionis nutrimentorum officinam, confugerunt. Hepar ergo, vt pote organorum digestionis haud vltimum, hic accusarunt. MEADIVM (*Tentam. I. de vipera*, pag. 40.) primum huius sententiae auctorem, plures secuti sunt, eiusdem inhaerentes testimonio, quod indurationes, et obstructions in hepate reperierit, vt urinam sub morbi finem haud raro amaram, partesque biliosas, non rectè solutas, esse dixerit. Vidit etiam CAWLEY (pag. 115.) aliud vitium, hepar nempe flaccidum admodum, oedematofum quasi, cinereum; cuiusmodi alii ne quidquam, nec in superficie lotii innatans oleum, viderunt. Sed si hepati in hoc morbo quaedam, saltem non primae, partes tribuendae sunt. Eodem enim iure, ea quoque huc referri vitia possunt, quibus alia digestionis viscera, vt glandulae mesenterii et mesocoli inflatae, scirrhusae, durae, vasa lactea obstructa, pancreas lapillis attritum, et obstructum, affecta fuerunt. Cuiusmodi phaenomena, pluraque alia, quae nobis anatomia pathologica hic offert, vt certius effectibus, quam causis mali imputantur; sic primariam illius causam viis secundis, pravae sanguinis missioni, siue assimilationi minus consummatae, tribuimus.

Ne, igitur longiores simus in discutiendis aliorum opinionibus, partim eos scriptores, qui deficientem atque imminutam assimilationis vim, quorsum pertinent CVLLEN, DOBSON, HOME, alique, partim, qui ad renum vitia prouocant, sequamur. Etenim per coniunctionem vtriusque theoriae certius omnino, tutiusque, praecipua huius morbi explicabimus phaenomena. In renes enim solos, quominus causa mali iniiciatur, dulcedo impedit, saccharique copia haud exigua, quae agentium conspirationem plurimum requirit. Quin si sola renum laxitas hic ageret, morbus profecto longe frequentior, et cum multis aliis viarum viapoeiticarum morbis necessario coniunctus esset. Sed notum est, in quibusdam regionibus plane incognitum esse, in aliis autem, vt in Anglia praecipue, atque in Mediolanensi ducatu frequen-




frequentissime hucusque fuisse observatum, CVLLENIO, atque FRANKIO (l. c. §. 477.) testibus, quorum ille vicies, hic septies, intra octo annos, et in Germania ter modo viderit. Hinc post abusum potus, praecipue diuresin augentis, post infusa calida frequentius hausta, post diureticorum usum continuum, in morbis calculosis, necessario oriri oporteret. At, si mellitum diabetem minime a solis renibus reuocare liceat, saltem potiorein insipidi fontem ibidem quaeramus? Sed utrumque gradu, non natura differre, mox ex Marabellianis tentaminibus, cum veri similitudine, probare studebimus. — Est quidem aliqua omnino vis renum in producendo diabete, ea nempe, ut humorum male mistorum copia, per hanc viam excretoriam, non per aliam, excernatur. Haec in praedispositione aliqua quaerenda erit, cuius exempla variorum auctorum observationes nobis suggerunt. WHYT quidem *pract. Schrift. überg.* p. 416. 609. et BRISBANE *Select. Cases of the Practice of Medic. Lond. 1772. überg. Samml. f. pract. Aerzte B. 1. St. 2. S. 131.*) paralyin, aut statum paralyticum nervorum in viis urinariis, assumit. Urinae suppressionem spontaneam, atque ischuriam praegressam, ex FR. HOFFMANNI (*Cons. et respons. med. Cent. 2. cas. 85. p. m. 365.*) testimonio, diabetei ansam praebuit. Equidem quoque nonnullos Italiae medicos, qui frequentius huius generis aegrotos tractauerunt, ischuriam antecedentem, tanquam causam occasionalem, accusasse, recordor. CL. RANOE contra (*Act. Soc. Hauniens. Vol. II. p. 162.*) exemplum narrat viri, qui per consuetudinem, continuo, etiam sine stimulo mingendi, ad inatulam recurrendi, diabete sibi contraxerat. Utroque vero hoc vitio necessario debilitas organorum vropoeiticorum sensim inducta fuit. Renum ergo laxitas et debilitas in ipso morbi initio adest, minus forte per effectus conspicua, successu demum morbi, continuata semper tanti fluidi secretionem, succrescit, tandemque in illa phaenomena, quae dissectiones ostendunt, degenerat. Nisi enim renum vitio quidquam demus, cur quaeso, per hanc magis viam excretoriam, quam per aluum, per sudorem, aut per alias, humores ruunt? Non enim rara sunt morborum exempla, ubi vires per has excretiones colliquefcunt. Ipsa vero haec lotii per renes ruentis quantitas, non ex sanguine dissoluto, cum



DOBSON, alique, crustam in sanguine e vena misso, viderint, explicari poterit. Neque ipsa sanguinis solutio tantae lotii quantitati, vix sufficeret. Hinc omnino ad resorptionem humidi ex atmosphaera per vasa cutis inhalantia, confugiendum, et excessus urinae supra potulenta huic resorpto humori, tribuendus est. HOME plura huius generis experimenta enarrauit.

Vnde vero illa materiae saccharinae abundantia? Ex vitiis sanguificationis atque assimilationis humorum, quam physiologi dicunt, repetendam eam, iudico. Insunt enim urinae diabeticorum partes, quae naturam animaleam nondum subierunt, aliae e contrario, a corporis mole auulsae, et tanquam inutiles, per colatoria eliminandae, desunt. Substantia saccharina, quasi tota vegetabilis naturae est, ex ea chylus maximam partem constat, qui post aliquod tempus, continuata sanguinis circulatione, tandem in animaleam naturam conuertitur, ut dulcedo maximam partem pereat, et sapor salinus, ammoniacalis, oriatur. Massam ergo, quae ex cibis per digestionem paratur, nutritiam, crudam admodum, humoribus adiniscam, hac ratione facilius segregari, probabile est; quod autem verus chylus hic simul eiiciatur, tum propter colorem lotii pellucidum, atque clarum, tum propter magnam aquae copiam, non est probabile. Nonnulli fluidum vero chylosum, emulsioni simile, viderunt, quod per alias forte causas accedentes, ut iam monuimus, ortum fuit. Frequentissime etiam, ut exempla allata docent, chylus magna aquae copia, et partibus salinis, urinae inhaerentibus, solutus est, atque dilutus, eamque mutationem forte in renibus subit, quos facilius permigrare potest. Quo facto partes nutrientes dissipantur, quarum quidem natura, licet nondum satis euicta sit, neque sententia CVLLENII, recentissimi de hoc argumento scriptoris, (*Mater. med. übers. v. D. HAHNEMANN, B. 1, S. 250.*) qui triplicem earundem substantiam, videlicet acidum, saccharum atque oleum, dicit, omnem exorbuerit difficultatem; ex observationibus tamen perspicuum est, mucosas particulas, et quae easdem inuoluunt substantias, dulces atque oleosas, inter nutritias vel maxime numerandas esse. In diabete vero magna, vel substantiae saccharinae, vel ut MARABELLI obseruauit, ingens mucii copia secernitur, vtraque
vero



vero materia nutritioni apta est; vtraque in hoc morbo, peculiare leges sequitur, videlicet saccharum si deest, mucus abundat, hoc autem deficiente, saccharinae particulae praevalent. Hinc iure concludimus, diabete sic dictum insipidum, non minus materiam nutritionis continere, quam mellitum; et idem observator vnius eiusdemque aegroti, modo dulcem, modo per aliquot dies, insipidam urinam habuit. Cuius rei causa forte in eo quaerenda, quod nutritiae partes magis subactae, propius iam ad naturam animale accesserunt. Saltem non sine ratione statuendum est, diabete vtrumque natura inter se convenire, at pro maiori, et minori succi nutritientis immutatione, tantum differre. Illae opiniones, quas de ortu sacchari alii afferunt, parum valent, quorsum TH. WILLISII, iam urinam dulcem commemorantis, (*Pharmac. ration. Genev. 1694. Sect. 4. cap. 2. pag. 106.*) pertinet, qui eam inde deducit, quod salibus in sero combinatis, particulae quaedam sulphureae, ex colliquatione partium solidarum delibatae, accrescant. DARWINVS (*Samml. für pract. Aerzte, Bd. 6. St. 2. S. 337.*) per motum vasorum lacteorum retrogradum, chylum ibidem effundi, et urinam dulcem fieri, statuit.

Praeter partes nutritionis, quas urina Diabeticorum continet, caret aliis, quae sanorum inuoluuntur, atque tanquam inutiles, et auulsae e corpore eliminantur. Fundamenti loco ea hic sumenda sunt, quae de sanorum urina chemia docuit. Haec enim sedimentum format, et gelatinosum et salinum, vtrumque a corporis substantia ducitur, in liquorem ingreditur, quocum e corpore emittitur. Particulae enim lymphaticae, salinae diuersi generis, inprimis ammoniacales, phosphorei acidi, salis digestiui, terrae animalis, siue calcareae, acido phosphori iunctae, in omni urina, ut humore animali excrementitio, inhaerent. Harum partium perpaucae, imo fere nullae, Diabeticorum urinae mellitae insunt, sed earundem locum partes nutritiae, saccharinae, aut mucosae, nondum in animale naturam satis subactae, occupant. Hae itaque in acorem pronissimae sunt, et demum post decompositionem, per fermentationem materiam demittunt, sedimentis gelatinosis sanorum quodammodo conformem, quantitate longe minorem. Ex quibus omnibus satis manifestum, nutritionis
opus



opus, quod humores perficit, et conueniente ad se inuicem indole instruit, apud hos aegrotos maxime languere. Insipida e contrario vrina contentis suis sanae propior est; habet enim partes, quae substantiae animalis magis conueniunt, magisque uegetam nutritus functionem, humorumque similitatem indicant.

Iam reliqua quoque phaenomena atque symptomata huic morbo familiaria, ex theoria hac commode explicari possunt. Initium plerumque lentum, cum, antequam morbus grauioribus stipatus symptomatibus sese prodatur, plures causae concurrant. Ingens ciborum desiderium, sitis vix restringenda, appetitus auctus, tandem anorexia, praecipue sub morbi finem, ubi febris magis urget, observantur. Haec ab defectu nutritionis omnino pendent, quo natura, ad cibos continuo assumendos, ventriculum, sine virium refectione, fortius sollicitat. Dolores abdominales, sensus frigoris, aut liquidi frigescentis ex lumbis in vesicam descensus, viscerum calor mordax ex mucī inungentis defectu, secretioribus reliquis, sola renum excepta, suppressis. Excretio per cutim plane cessat; quae plerumque sicca, squamosa quasi, epidermide tandem, cum sinegma vnguinofum deficiat, in furfures abeunte. Sudor nullus, haud dubie dulcis, si unquam fuisset. Sub finem, ubi corpus amplius non alitur, febris hectica oritur, vespertinae exacerbationes, vigiliae, virium insignis debilitas, pulsus parui, intermittentes, tandemque aegrotus, macie summa confectus, perit. Nomen ergo, quod iam MORTONVS, (*Opp. omnia, Amst. 1696. Lib. I. cap. 8. pag. 22.*) diabete tribuit, Tabis renalis, egregie conuenit. Attamen hac denominatione haud quidem tabes ab exulceratione renum, plerumque hoc nomine notata, sed haec corporis per renes colliquatio, aptissime insignitur. Neque ipsa curandi ratio ab hac theoria abhorret; roborantia enim, diaeta lauta, adstringentia, laxitatemque corrigentia medicamenta, in hoc morbo egregie profuerunt: ea praesertim, quae quodammodo in renes agunt, reliquis praeferrī merentur, ut rhabarbarum, cuius in renes actio, aliis comprobata est phaenomenis. Cingulum porro corpori, in renum regione applicatum, constringendo aliquo vsu fuisse, auctores perhibent.

De proxima vero causa, quae morbi genus definit, atque eiusdem theoriam constituit, dissentiunt Nosologi; alii, ut CULLENIVS, spasmodis, alii cum SAUVAGESIO profluviis, alii tabium ordini, scilicet Athrophiiis, accensent. Veritas difficulter eruitur. Etenim doctrina de nutritione, et humorum analogia multis adhuc dubiis, premitur, unde, quid in illa contra naturam accidit, vix accurate explicari potest. Ill. FRANK inter recentissimos medicinae practicae scriptores, peculiarem de morbo hoc sententiam fouet, (*Epitome*, Lib. V. Part. I. §. 481. pag. 53.) atque eandem ab actione systematis lymphatici praeter modum concitata, deriuat. Nam quemadmodum cum diabete dira sitis, fauces continuo vrens, potu et poculis haud pellenda, coniuncta est: sic Ill. Vir signo hoc facile adducitur, ut morbum Diabeticorum, oppositum quasi statuatur ei, qui indomito aquae pauore, fugaque potus, discernitur, qualis in rabie canina habetur.

Satis iam diu Lectoris animum hoc argumento occupatum habuimus, in cuius commemoratione haec nobis praecipua ratio fuit, ut, quomodo Diabeticorum vrina, tum copia, tum qualitate, more miro turbatam, variatamque habere naturam soleat, probabili saltem sententia exponeremus. Plura ergo, quae forte locum hunc tangerent, momenta, consulto omisimus, cum nobis suffecerit, ex allatis experimentis, Papiae, alibique locorum susceptis, ea deduxisse, quae ad morbi ortum, et naturam illustrandam, conferrent. Haec atque eadem, quantum intersit in re medica perspexisse, egregio exemplo est Candidatus, ob animi candorem aequae, ac doctrinarum copiam nobis Carissimus,

V I R,

PRAENOBILISSIMVS, CLARISSIMVS,


IOANNES GEORGIVS HOFRICHTER,

SCHEIDEWIGSDORPIO SILESIVS,

quem commendatione nostra, iustisque laudibus ornare, vix opus videtur, cum quanta industria, doctrinae praemia promereri studuerit, ex vitae Eius ratione, quam Ipse scripsit, satis constat.

**

Ego,




*E*go, IOANNES GEORGIVS HOFRICHTER, natus sum die 13. Augusti anno 1767. Scheidevigsdorfi, pago Silesiae inferioris, prope urbem Hai-
 nau, Patre IOANNE GOTTLIEB, agri tributis immunis possessore, iam,
 quod valde doleo! ao. 1779. defuncto; et Matre ANNA SVSANNA, e gente
 SCHNEIDER, quae et ipsa ante septem annos, immatura morte, mihi
 proli dolor! erepta est. Qui quidem parentes carissimi maxime de mea
 educatione solliciti, summam curam, in religionis christianae praeceptis mihi
 tradendis, atque uberius, quam domi fieri poterat, docendis, posuerunt.
 Quo consilio anno aetatis duodecimo me miserunt ad AVSTIVM, Cantorem
 pagi Kreibau, ut musicam et praeter sacras doctrinas, eas quoque disce-
 rem, quae ad humanitatem pertinere dicuntur. Biennio nondum praeter-
 lapso, cum possessori patrii pagi, Matronae DE AXLEBEN, Dynastae in
 Merzdorf etc. iure fieri videretur, ut, cui pater se subiecerat servituti,
 eadem, illomortuo, filio imponeretur. At per annum tantummodo duravit illa
 seuera, ac austera durissimae foeminae in me servitns, quo feliciter exantlato
 ad AVSTIVM, Virum Maxime de me meritum redii, eiusque institutione
 fruius sum. Postea ad Thermas Hirschbergenses, quae Warmbrunn di-
 cuntur, profectus sum, ibique permulta a b. GEORGIO, Cantore Celeb.
 in litteris artibusque liberalioribus profesi. Anno 1786. Laubannum, Hexa-
 polin Lusatiae superioris petii, ibidemque in celebri Gymnasio, ducibus Praeclar.
 Viris b. GOEBELIO, Rectore, nec non b. KOSCHIO, Correctore, huma-
 nioribus litteris operam nanani, quorum de me merita maximi facio, sem-
 perque faciam. Anno 1790. b. SCHOTTIVS in numerum civium Academiae
 Lipsiensis me recepit, ibique scholis et publicis et priuatis Virorum Celeberr.

maxi-



maxima cum voluptate, atque utilitate, interfui. Nimirum Philosophiam PLATNERVM, et CAESAREM; WENCKIVM Historiam uniuersalem, tradentes; LUDWIGIVM Historiam naturalem exponentem audiui. Historiam vero medicam KÜHNIO debeo, eidemque etiam Physicam. In mathematicis doctrinis HINDENBURGII; in anatomicis HAASII, et FISCHERI Institutione usus sum. HEDWIGIVS Botanicen; Chemiam et Pharmaciam ESCHENBACHIVS; Physiologiam, Pathologiam, Materiam medicam, Semioticen, nec non utramque tum generalem, tum specialem Therapiam HEBENSTREITIVS mihi explicarunt; artem denique obstetriciam FISCHERVS. Cuius vero practicam partem, ut exercerem, Dresdam ao. 1793. petii, et WEISSIO duce usus sum. Ao. 1794. Halae ab Venerabili NIEMEYERO ciuibus academicis adscriptus, SPRENGELII praelectiones in Pathologia et Semiotica frequentavi; REILIVM de Materia chirurgica, et Therapia morborum speciali differentem audiui, qui et Ipse mihi in Instituto Clinico lectos aegrotorum adeundi copiam fecit. Per hyemem anni 1794. et 1795. Dresdam iterum redii, praxin anatomicam colui, et parturientibus adstiti, et praeterea praelectionibus quibusdam medicis interfui. Anno 1795. mense Maio Vittebergae inribus cinis academicis ab Illustr. HOMMELIO impetratis, praelectionibus Virorum summe colendorum, nimirum Viri Experientissimi BOEHMERI therapeuticis, nec non Excell. TITII chemicis et medico-forensibus, maxima cum voluptate interfui. Omnibus hisce Praeceptoribus quanta debeam, nunquam obliturus sum. Maximi ipsorum de me facio merita, eorumque recordatio gratissima semper mihi erit. Supereft, ut Viro mei auantissimo mihiue dilectissimo IOANNI GOTTLOB KIRCHHOF, ciuitatis Laubanensis ciui honesto, animi gratissimi dediiffimique signa exhibeam. Hic

enim



enim me peregrinum omnino, atque ignotum, paterno amplexus est, amore, illique soli, quod votorum meorum compos factus sum, debeo. Tantaе suae erga me beniuolentiae, summaeque liberalitatis specimina edidit, ut, quas pietatis gratissimique animi sensus foueo, exprimendis, verba non sufficiant. Laetor admodum tempus iam adesse, quo re magis, quam verbis animi, ipsi deditissimi, signa exhibere possim.

Optimorum ergo in re medica Praeceptorum institutione, quorum strenuus et assiduus auditor fuit Candidatus Noster id egit, ut ad medicinam feliciter faciendam ab omni parte instructus esset, atque eruditus. Comprobauit id ipsum in examine, quod nuper, ex Ordinis Nostri instituto, subiit, in quo expectationem Nostram omnino superauit; comprobabit quoque publice die 9. Octobr. qua sub meo Praesidio Dissertationem pro Gradu Doctoris:

De Arte Clinica tutius citiusque in Nosocomiis addiscenda,
ventilaturus est; quod Ipsum ut solenni, atque nobis honorifica, auditorum frequentia fiat, RECTOREM ACADEMIAE MAGNIFICVM, ILLUSTRISSIMOS COMITES, PROCERES VTRIVSQUE REIPUBLICAE, COMMILITONES PRAENOBILISSIMOS, DOCTISSIMOS, OMNES LITTERARVM FAVTORES, summa inuitamus obseruantia.

P. P. 18. post Trinitatis 1795.

